

Tempat silat di Sukan SEA



Buat pertama kalinya olahraga silat disertakan dalam Sukan SEA. Bilakah idea ini timbul dan apakah usaha yang dijalankan bagi menyertakan acara sukan ini? Apakah pula masa depannya dalam arena sukan antarabangsa? Inilah antara soalan yang dibahaskan oleh **MAFOOT MOSS SIMON**. *Berita Minggu*

SEJAK sekian lama kedudukan silat dalam Sukan SEA tidak ubah seperti kata pepatah "kera di hutan disusukan, anak di rumah mati kelaparan". *Berita Minggu*

Walaupun silat adalah sejenis seni pertahanan diri yang berasal daripada rantau Asia Tenggara, ia tidak mendapat tempat dalam sukan itu. Sebaliknya, judo, karate dan tinju, yang juga seni pertahanan diri yang berasal dari negara di luar rumpun Asia Tenggara, pernah dipertandingkan dalam Sukan SEA.

Bagaimanapun, nasib silat dalam Sukan SEA tahun depan akan berubah — dalam bentuk olahraga silat. Buat pertama kalinya dalam sejarah sukan itu, olahraga silat akan menjadi salah satu daripada 25 acara yang akan dipertandingkan.

Usaha-usaha untuk menjadikan olahraga silat sebagai satu acara dalam Sukan SEA telah dibuat sejak 1979.

Kemudian, dengan terbentuknya Persekutuan Pencak Silat Antarabangsa (Persilat) dalam 1980, usaha-usaha itu menjadi lebih giat.

Anggota-anggota Persilat pada masa ini terdiri daripada Ikatan Pencak Silat Indonesia (Ipsi), Persekutuan Silat Singapura (Persisi) dan Persekutuan Silat Kebangsaan Malaysia (Pesaka).

Usaha-usaha itu dijalankan secara sendiri dengan masing-masing pertubuhan meyakinkan negara-negaranya agar menerima olahraga silat sebagai satu acara dalam Sukan SEA dan secara berkumpulan.

Usaha secara kumpulan itu dilakukan oleh Persilat dengan menganjurkan tiga pertandingan silat antarabangsa yang dipanggil Festival Silat Antarabangsa yang bertujuan memperkenalkan olahraga silat kepada dunia luar.

Dua festival serupa dijalankan di Jakarta dalam 1982 dan 1984 dan baru-baru ini di Vienna, Austria.

Pengalaman daripada pertandingan silat antarabangsa itu telah membantu Persilat menyiapkan satu tatacara dan peraturan dalam silat olahraga yang bakal digunakan dalam pertandingan di Sukan SEA nanti.

Presiden Persilat, Mejar-Jeneral Eddie Nalapraya, yang juga Ketua Umum Ipsi — pertubuhan yang dianggap sebagai 'saudara tua' dalam Persilat — berkata kejayaan menempatkan olahraga silat dalam Sukan SEA akan datang juga merupakan cabaran kepada pencinta silat.

Mejar-Jeneral Eddie menjelaskan bahawa sejarah olahraga silat, peraturan-peraturan yang dijadikan sandaran dalam pertandingan olahraga silat dan usaha-usaha telah dijalankan untuk mencapainya.



● JIKA judo, karate dan tinju disertakan dalam acara sukan, mengapa tidak silat...